

皇宋十朝綱要

皇宋十朝綱要卷第十一

眉山李璣編

哲宗憲元繼道世德揚功欽文睿武齊聖昭孝皇帝諱
煦神宗第六子母曰欽成皇后朱氏熙寧九年
丙辰歲十二月八日生初名傭十年十二月十一日
授天平軍節度使檢校太尉封均國公元豐五年八
月三日改彰武軍節度使加開府儀同三司進封延
安郡王八年三月一日立為皇太子改今諱是月五
日即位年十歲元符三年正月十二日崩于福寧殿

年二十五八月八日葬永泰陵在河南府永安縣謚
曰欽文睿武昭孝廟號哲宗崇寧三年十一月加上
謚曰憲元繼道顯德之功欽文睿武齊聖昭孝政和
三年十一月改今謚

年號三

元祐八

紹聖四

元符三

皇后二

昭慈聖獻皇后孟氏

安武軍節度觀察留後贈開
府儀同三司在之女元祐七

年四月立為皇后五月行冊禮生洵美公主紹
聖三年九月出居瑤華宮賜号華陽教主玉清

為元祐	加賜帝	月四日	延福宮	月入居	皇太后	烈宗	昭懷	即君	立為	二年	和三年	二十	泰陵
祐皇	帝微	尊為	建炎	隆祐	后紹興	宗室	皇后	二年	皇后	二月	二年	七	附太
后崇	元通	元祐	元年	宮三	興元	紹興	氏	五年	行冊	進號	二月	日陪	廟哲
寧法	知和	皇太	年五	年四	年四	權措	宮太	進美	禮三	太后	九月	葬永	宗室
名冲	妖華	后二	月二	月二	月十	紹興	師東	人十	年五	年五	日崩	永	
貞元	靜宮	仙政	日冊	日冊	府八	興府	平即	月進	月號	月號	年三		
符三	和七	師靖	冊為	冊為	日崩	府八	王安	進娘	元符	元符	年五		
年五	年四	靖康	隆祐	隆祐	謚曰	改今	成之	好元	符皇	符崇	年三		
復立	五月	元十	后八	后八	昭慈	附太	女初	元符	后崇	后崇	年三		
	九	二	居	居	附太		昌入	三年	寧	寧	年三		

嬪妃七

婕妤張氏 初為御侍 崇寧元年正月封文安郡君
三年十一月進美人 大觀二年二月進

好婕

婕妤胡氏 初為御侍 崇寧元年正月進美人 大觀
二年二月進 美入四年七月卒 進婕妤好

美人韓氏 初為御侍 元符二年閏九月封仁壽郡
君十一月進才人 大觀二年二月進美

美人慕氏 初為御侍 崇寧元年正月進

美人魏氏 初為御侍 崇寧元年正月封安定郡君
大觀元年五月進才人 二年二月進美

美人高氏

初為御史崇寧元年正月封信安郡君
大觀二年二月進才人政和二年十月

卒贈美人

才人劉氏

初為御史崇寧元年正月封晉
安郡君大觀二年二月進才人

皇子一

獻愍太子茂

元符二年八月生閏九月薨追賜名
時太師尚書令封越王諡曰冲獻三

年三月贈蕙中書令封鄧王崇寧元
年十二月贈皇太子改諡曰獻愍

公主四

鄧國公主

紹聖三年二月封福慶公主九月薨追
封邵國元符三年三月進封鄧國政和

四年十二月改封洵美帝姬

陳國公主 二船聖三年五月封德康公主元符三年

國四年二月降左衛將軍石端礼封陳國政和

三年閏四月改封淑和帝姪政和七年正月薨

追封靖懿帝姪建炎元年

八月復改封陳國長公主

韓國公主 二船聖四年六月封懿康公主元符三年

政和二年二月改封淑謹帝姪建炎元年六月改封

年閏四月改封淑謹帝姪建炎元年六月改封

吳國長公主 二船聖三年十二月封淑謹帝姪建炎元年六月改封

大長公主 隆興二年九月封懿康公主元符三年

揚國公主 元符元年九月封懿康公主元符三年

政和四年十月二月

改封純美帝姪

太師平章軍國重事一人

文彥博

司空平章軍國事一人

呂公著

尚書左僕射五人

王珪

蔡確

司馬光

呂大防

章惇

尚書右僕射六人

蔡確

韓鎮

呂公著

范純仁

劉摯

蘇頌

門下侍郎七人

韋 惇

司馬光

呂公著

韓 維

孫 固

劉 摯

安 燾

中書侍郎六人

張 璪

呂大防

劉 摯

傅堯俞

范百祿

李清臣

尚書左丞十一人

呂公著

李清臣

劉 摯

王存

韓忠彥

許將

蘇頌

蘇轍

梁燾

鄧溫伯

蔡卞

尚書右丞八人

李清臣

呂大防

劉摯

王存

胡宗愈

鄭雍

蔡卞

黃履

知樞密院事六人

韓縝

章惇

安燾

孫固

韓忠彥

曾布

同知樞密院事七人

安燾

范純仁

趙瞻

韓忠彥

曾布

林希

蔣之奇

僉書樞密院事三人

趙瞻

王巖叟

劉奉世

使相三人

曾公

韓絳

文彥博

學士十八人

曾布

呂大防

鄧溫伯

黃履

蘇軾

蘇頌

許將

蘇轍

范百祿

趙彥若

梁燾

顧臨

范祖禹

蔡卞

錢勰

蔡京

林希

蔣之奇

給事中二十七人

陸佃

蔡卞

范純仁

王震

孫覺

傅堯俞

胡宗愈

錢勰

顧臨

張問

趙君錫

魯肇

鄭穆

范祖禹

朱光庭

范純禮

黃廉

王欽臣

范育

喬執中

孔武仲

呂陶

葉祖洽

虞策

徐鐸

范鎰

趙挺之

中書舍人四十二人

楊景略

范百禄

王震

邢恕

胡宗愈

蘇軾

錢勰

林希

蘇轍

曾肇

劉敞

孔文仲

彭汝礪

范祖禹

鄭雍

顏復

王巖叟

韓川

劉安仁

孫升

陳軒

孔武仲

喬執中

姚勔

呂陶

呂希純

蔡卞

呂安詩

朱服

劉定

盛陶

蔣之奇

葉祖洽

蹇序辰

葉濤

沈銖

龔原

范鏜

趙挺之

郭知章

周常

張商英

御史中丞十二人

黃履

劉摯

傅堯俞

胡宗愈

孫覺

李常

梁濤

蘇轍

趙君錫

鄭雍

李之純

邢恕

諫議大夫十二人

孫覺

范純仁

鮮于侁

梁濤

孔文仲

王覲

王汾

范祖禹

劉安世

朱光庭

鄭雍

安享

諫官三十人

左右司諫左右正言

蹇序辰

朱光庭

唐淑問

王巖叟

蘇轍

王覲

呂陶

賈易

丁隣

韓川

豐稷

劉安世

吳安詩

司馬康

劉唐老

楊康國

姚勔

虞策

朱勃

翟思

上官均

張商英

劉拯

孫諤

董敦逸

沈銖

郭知章

陳次升

鄒浩

王祖道

御史五十九人

侍御史

殿中侍御史

監察御史

黃履

劉摯

呂陶

劉次莊

孫升

黃降

王巖叟

劉拯

安享

邵材

林旦

上官均

傅堯俞

韓川

杜純

王覲

陳次升

張鼎民

胡宗愈

趙挺之

豐稷

方蒙

趙吼

楊康國

翟思

孫覺

盛陶

王彭年

梁濤

蘇轍

徐君平

趙君錫

鄭雍

黃慶基

井亮采

常安民

李常

賈易

田子諒

虞策

葉伸

吳立禮

來之邵

郭知章

蔡蹈

朱光庭

楊畏

裴綸

岑象求

安鼎

董敦逸

李之純

周秩

鄧棐

龔 夬

邢 恕

鄒 餘

左 膺

石 豫

進士

元祐三年取進士李常寧等五百二十三人

元祐六年取進士馬洵等五百一十九人

紹聖元年取進士畢漸等五百一十二人

紹聖四年取進士何昌言等五百六十四人

元符三年取進士李奎等五百六十一人

升改廢置州府

元豐八年五月復置遼州

十一月復置鄭州

元祐元年二月復置永康軍

五月復置慈州

六月復復州漢陽軍廣濟軍通利軍

升鄭州

為奉寧軍節度

元祐二年改誠州為渠陽軍

復置漣水

元祐三年復置荆門軍

廢渠陽軍為寨

元祐四年升延州為延安府

元祐五年復以渠陽軍為誠州

紹聖二年復置誠州

元符二年四月築南牟會新城建為西安州 八
月建會川城為會州 以葭芦城置晉寧軍
閏九月以青唐為鄯州隴右節度邈川為湟州
宗哥城為龍支城 廢廓州為寧塞城 十一
月以綏德城為綏德軍

誕節

龍興

神御殿

重光

皇宋十朝綱要卷第十一

皇宋十朝綱要卷第十二

眉山李璣編

哲宗

丙寅元祐元年 遼主洪基大安二年

正月庚寅朔改元 辛丑詔京城開壕及諸路脩城

自今毋得差夫 丁巳詔河北監復行舊法通商

二月辛酉詔荆廣淮浙西路鑄錢通為一司 壬戌

上殿班令六曹開封府御史諫官二人同對 癸亥

以旱故權罷諸路脩河兵夫 詔諸路併廢州縣令

提刑轉運司相度可否以聞 乙丑用司馬光言復
行差役舊法 己巳以光祿大夫致仕范鎮為端明
殿學士 先是西蕃首領河西節度使黃延卒辛未
養子阿里骨襲位 癸酉遣戶部郎中黃廉按察成
都路茶法利害 乙亥遣庫部郎中郭茂恂往河東
陝西路相度興置馬監 先是知樞密院章惇條駁
司馬光論役法踈畧等事尚書左丞呂公著言章惇
所上文字專欲求勝不存大體乞選近臣專切詳定

丁亥詔資政殿大學士韓維等詳定以聞

閏二月庚寅左僕射蔡確罷為殿中丞大學士知陳
州門下侍郎司馬光拜左僕射兼門下侍郎 壬辰
命御史中丞劉摯諫議大夫孫覺看詳元豐八年三
月六日以前諸被罪人今來進狀訴理情可矜恕事
涉冤抑者 詔許人戶實封陳役法利害 壬申以
司馬光言罷諸路提舉常平官其常平倉錢物委提
點刑獄司主之 詔今後急速不係出告文字不過
門下省者並關門下省 詔以京東西保馬給陝西
及本路騎軍并馬鋪餘數赴太僕寺選納 癸卯詔

衙前一役用坊場河渡錢依舊法募人不足方許揭
簿定差 丙午除放諸路人戶見欠市易息錢 詔
劉摯孫覺看詳元豐以來大理斷過探過公事元犯
刑名事涉寃抑者 詔解鹽復許通商 丙辰廢在
京水磨茶場 詔八路知州通判僉判諸司屬官京
官知縣大使臣員闕並歸吏部差注 詔內外見監
理市易官錢特許以納過息罰錢充折納及官本即
與放免坊場淨利錢準此次免役錢減一半

三月乙丑詔自今戍兵食不盡糧願坐倉收糴者毋

過三之一 辛未詔熙寧至元豐被罪合行訴理人
限半年進狀先從有司定奪有不該除雪者送訴理
所看詳 初詔同知樞密院安燾進知院吏部尚書
范純仁為同知院左司諫王巖叟權給事中繼回詔
黃論燾不才不宜超迁乞分范純仁救命先下詔更
不送給事中書讀直下吏部施行于是孫覺劉摯交
言其不可疏累上壬申詔燾依舊同知院事班左丞
李清臣上別書范純仁錄黃告命通經門下省官施
行 癸酉置府界提點刑獄官罷提舉盜賊司 乙

亥罷熙河經制財用司

詔差除更改事令六曹限

畫黃到即時開御史臺并門下中書後省諫官 詔

劉摯與右正言王觀重脩元豐勅今格式 辛巳詔

布衣程頤為崇政殿說書 詔二王外第賜名親賢

宅 詔河北相度興置馬監 甲申詔職事官許帶

職集賢脩撰直龍圖閣直集賢院祕閣校理許內外

官帶除

四月己丑右僕射韓縝罷為觀文殿大學士知穎昌
府 詔發運司裁留上供米十萬石賜淮南路減價

糴給飢民 復通判奉官法 辛卯詔諸路旱傷蠲
其租勿檢覆 癸巳守司空王安石卒 募京畿保
甲補充府界闕額禁軍 辛丑詔執政各奉館職二
人 乙巳詔八路選人員闕除有專條并奏差攝官
處外並歸吏部差注 詔戶部差冗費著為令 熙
內侍王中正李憲宋用臣石得一四人 辛亥詔文
官外朝以上于應進士奉人內各奏奉經明行脩一
名 詔常平倉欽散收糴出糴交兌振貸並依舊法
元降貸錢穀止出息一分 罷榷茶路分茶場變磨

出賣芽茶 省併六曹郎官定為三十五員

五月丁巳朔呂公著拜右僕射兼中書侍郎起太師
致仕文彥博為平章軍國重事 罷諸路重祿法復

熙寧以前吏祿 戊午河北保甲許招充本路禁軍

戊辰詔孫覺程頤同國子監長貳脩立國子監太
李條制 癸酉復左右天廐坊 甲戌三司仍置分

司官

六月戊戌詔自今科場程文無得引用字說 甲辰
置春秋博士 以右正言王觀言詔文臣磨勘待制

太中大夫以上至通議大夫止餘官至中散大夫止
戊申詔八路季閔從吏部與轉運司隨季互使

辛亥貴光祿卿呂惠卿散官安置建州 甲寅詔

先帝講求法度務在寬厚而搢紳之間議法乘當勇
於掊克或妄生邊事或連起犴獄其罪惡著明者已
寘諸罰至子隱疵細故宜在濶略自今無所復問

以富弼配享 神宗廟庭

七月辛酉用司馬光言立十科奔士法 癸亥用同
知樞密院范純仁言詔諭夏國能以見存永樂陷沒

漢人送歸中國脩貢益恭不犯疆寨當據用兵以來
所得地主除元係中國及西蕃舊地外餘委遣臣隨
宜分畫給賜始議者欲盡舉熙河一路弃之安洊執
不可于是定議但許歸其葭芦等四寨又詔送還永
樂臨沒人口等每口別賜絹十疋 乙丑夏國主秉
常卒子乾順嗣 司馬光奏行六曹長官專達之制
癸未罷市易賣鹽場

八月辛卯詔諸路常平錢糧依舊法罷散青苗錢
詔訴理所展日限至元祐二年三月 罷成都府在

城都茶場 辛丑詔尚書省大事依舊中書省取旨
事小及急速者止令尚書省具聖旨劄子或批狀行
下仍關門下中書省 甲辰詔戶部置都拘轄司
九月丙辰朔司馬光卒 辛酉大饗明堂以 神宗
配大赦 詔内外欠市易錢民戶二百貫以下者悉
蠲除之 丁丑詔蠲諸路第五等以上及單丁女戶
等免役錢

十月丙戌改衍聖公為奉聖公除寄祿官專主祠事
增賜田洒掃戶 壬辰中書舍人暫闕不許差諫官

蕪權 庚子詔范鎮洛致仕為侍讀召赴闕

十一月乙亥廣西路峒賊岑探擁衆叛圍新州以
相度河事張問言于南梁大名埽開直河及魚河引
水入孫村口 詔擢截兩省諫官廳出外別開門出
入毋得與給事中書舍人相通侍御史王巖叟諫
議大夫鮮于侁交論其不可 己卯詔前降旨不行
癸未詔詳定役法所限兩月結絕

十二月左司諫朱光庭論翰林李士蘇軾試館職策
題指 仁祖 神考為媿刻詔軾放罪軾自辨甚力

詔追放罪旨揮中丞傅堯俞御史王巖叟呂陶諫官
王觀相繼論列堯俞岩叟右光庭陶右軾惟觀論獨
得其平然爭論紛々至各居家請去朋黨之跡自是
起矣 戊申詔諸免役錢三路全留諸路留一半餘
召人入便置場和買物貨發送元豐庫送納 是歲
江西福建湖南鹽法及福建茶法皆復舊 是歲高
麗國王運卒子堯襲位未幾病卒其叔父熙襲位

丁卯元祐二年 遼主洪基大安三年

正月乙丑策乾順為夏國主 戊辰詔今後奉人並

許引用古今諸儒之說或出己見毋雜以申韓釋氏
主司無于老列莊子書命題 廣東奏捕獲峒賊岑
探

二月丁亥遣左司諫朱光庭使河北發廩賑災 己
亥詔吏部選人改官歲以百人為額 前軍器少監
蔡碩坐貸使官錢贓巨萬貸命除名編管韶州諫官
御史交論碩之兄確罪尤不可恕坐落職知亳州尋
又降知安州 辛丑立河東陝西諸路經畧司策應
牽制法

三月壬戌太皇太后手詔受冊止就崇政殿以雨
雪不時止天下營繕三年散遣兵匠庚辰詔內侍
省供奉官至黃門以一百人為額辛巳夏國牒送
臨蕃人三百一十八口詔給賜葭米脂浮屠安
疆四寨是月三省置刑房檢例官刑部侍郎范百
祿極論罷之

四月壬午朔詔三路二廣關額禁軍錢更不封樞府
界及他路仍舊丁亥阿里骨使其將鬼章據洮州
虜趙醇忠殺屬戶數十人又使鬼章子結吼報寇洮

東 辛卯以旱避殿減膳 丁酉詔御史中丞傅堯
俞等分詣六郡看詳結絕滯事 丁未復制科 先
是監察御史張舜民言近差夏國封冊使劉奉世乞
止勿遣緣大臣有欲優假奉世者故為是過奉 甲
辰詔舜民罷臺職

五月阿里骨率兵圍河州南川寨又導夏人攻定西
城殺都監吳猛 丁巳詔凡臣寮緣市易酬獎者並
追奪一半 是月御史中丞傅堯俞侍御史王巖叟
左諫議大夫梁燾等上疏論張舜民不當罷御史累

奏不絕庚申召赴都堂宣諭堯俞等不受命退復上
疏極言之不從于是皆相繼罷言職

六月丙午築蘭州西關堡 戊申復置河北東陝西
府界馬步軍三十指揮

七月庚戌朔日食 辛亥詔戶部復脩會計錄 夏
人寇鎮戎軍 癸丑置樞侍郎官

八月癸巳以夏國強臣梁已逋奸謀犯邊詔諸路帥
臣嚴兵增戍 戊戌岷州行營將种誼率兵復洮州
執鬼章及大首領青宜結等九人 辛丑夏人寇三

川寨

九月己未夏人寇鎮戎涇原路經畧使劉昌祚悉兵禦之環慶路經畧使范純粹命副提管曲珍引兵入虜界至律曲六掌破賊帳斬千二百餘級

十一月庚申獻鬼章俘 詔考試進士分為四場以經義詩賦論策通定去留高下新科明法增論語孝經義分為五場 壬申詔諱諱官過不開諱日進漢唐故事兩條 罷武臣試換文資法

十二月西蕃首領兀征奔延內附 丙戌興龍節群

臣及遼使初上壽於紫宸殿 壬寅頒元祐詳定勅

是冬始閉汴口 大寒禁中出錢十萬以賜貧民

戊辰元祐三年 遼主洪基大安四年

正月庚戌復廣惠倉 丁巳改封樁庫為元祐庫

庚申以雪寒發京西穀五千餘萬石損其直糴以紓

民 廣西路融州峒瑤楊天晟等聚眾犯湖北路

是月阿里骨奉表謝罪詔納之止熙河出兵

二月癸未詔正議至金紫光祿並分左右字 乙酉

夏人寇府州 己亥罷變賣市易司元豐庫物 湖

北路天村蠻寇多星堡

三月己丑改元豐元祐庫為元豐南北庫壬申詔
湖北轉運副使李茂直督兵討作過蠻賊團峒乙
亥夏人寇德靖寨將官張誠等敗之

四月戊寅令諸路郡邑具後法利害以聞辛巳右
僕射呂公著為司空同平章軍國事 中書侍郎呂

大防同知樞密院范純仁並拜左右僕射大防兼門
下侍郎純仁兼中書侍郎 庚子夏人攻塞門寨將
官米贊郝普等戰死

五月丁未罷大理右治獄

戶部置推勘檢法官

併元豐南庫入北庫為一庫以元豐為名

癸酉罷

奏獄不當及用例破條取勘法

元豐八年十一月二十日立法

六月癸未詔司諫正言殿中監察御史可做

祖宗

故事以升朝官通判資序及一年者為之

辛丑夏

人又寇塞門寨

戊子詔禁河岷蘭州沿邊蕃賈毋

以緡錢越界

七月壬戌詔大臣奏本館職並依條召試朝廷特除
不用此令 丙寅夏人寇龕谷寨及東關堡

八月丁酉渠陽蠻寇邊 詔止湖北廣西路出兵誅
討蠻賊撤增屯兵馬

十月丙戌罷湖北路新創多星收溪等諸寨堡 廢
渠陽軍 戊戌置南北院宣徽使 始詔回河 是

月詔調兵夫脩京城命將作監丞李士京董之 臣
寮有乞殿試仍用祖宗試三題之制者詔侍從御史
國子監詳議于是吏部侍郎傅堯俞等列上乞依先
帝故事試策為便從之

十一月甲辰命吏部侍郎范百禄給事中趙君錫使

行河 乙丑裁宰執遇大祀蔭補恩 詔湖北路諸

處蠻若不知恩侵犯不已即選兵討捕

閏十二月癸卯朔頒元祐式 庚戌詔戶部置局看

詳朝廷應千支用裁省浮費 太皇太后詔本家遇

聖節大祀生辰合得親屬恩澤並四分減一皇太后

太妃準此 庚申置樞尚書官 范百祿趙鼎錫行

視東西二河見東流高北流下知河決不可回乞罷

回河司

己巳元祐四年

遼主洪基大安五年

正月甲申詔以夏人通好邊將毋生事 己亥詔罷

回河及脩減水河

二月甲辰呂公著卒 乙卯夏人來謝封冊 詔軍

器將作少府都水太府光祿凡係翔脩添造等並先

申戶部檢覆

三月丁亥詔以久旱罷春宴 己丑詔自今大禮毋

上尊號

四月戊申詔進士不兼試詩賦人許依旧法取應于

本經外增治一經 禮部上經義詩賦進士四楊法

壬戌施在京牧地以予民

五月辛未詔諸州旬上雨雪

先是知漢陽軍吳處

厚繳前知安州蔡確車蓋亭詩十絕五篇語皆涉訛
訛而二篇訛訛尤甚諫官梁濤吳安詩劉安世等連
疏攻確甚力 辛巳貶確為光祿卿分司南京 丁
亥又貶為英州別駕安置新州右僕射范純仁尚書
右丞王存皆坐爭確事罷純仁知穎昌府存知蔡州
御史中丞李常侍御史盛陶等坐上疏語佑確中書
舍人彭汝礪曾肇亦坐爭確事皆出補外常知鄧州

陶汝州汝礪徐州肇穎州 甲午罷歲卒知州人及
卒經明行脩人 丁酉丁夏人邢恕候服闋日落直
龍圖閣監永州鹽倉

六月丁未夏人遣使入貢 丁巳詔諭夏國主許以
不候分界了日便給歲賜

七月丙申詔諸路提刑司增錢廣糶又詔永興秦鳳
河北東等路以封樁錢一半計置糧儲

八月己亥改熙河蘭會路為熙河蘭岷路 己酉復
議回河徙河東轉運使范子奇改使河北兼外都水

使者 癸未丁憂人章惇坐強買民田降一官與宮
觀服闋日給告 辛酉太皇太后手詔將來明堂禮
畢不受賀令百官內東門拜表 乙丑用都水監幹
當公事李偉言復置脩河司以都水使者吳安持提
率范子奇副之

九月辛巳大饗明堂大赦 詔衙前一役復用差法
十月戊申藏 神宗御集于宝文閣 甲寅詔朔參
官並兼赴望參望參官兼赴六參

十一月庚午令朝請大夫以下進士為左餘為右

己丑太皇太后手詔正旦更不御殿受賀令百官內
東門拜表 壬辰詔廊延路經畧使趙高差使臣部
送夏國所還永樂臨沒將吏一百五十人赴闕

十二月詔脩減水河 是月諫議大夫刘安世給事
中范祖禹聞禁中求乳母各上䟽劝上進德愛身清
心寡欲其後上以語章惇、臨二人幾死

皇宋十朝綱要卷第十三

哲宗

眉山李真編

庚子元祐五年 遼主洪基大安六年

正月丁丑湖南路言邵州關峽城峒蠻楊晟進等降
殿中侍御史賈易上疏論韓琦定策之功元豐王
同老之言文彥博所奏前後抵牾不可信者六庚寅
太皇太后出易疏示三省宣諭韓琦定策之功甚詳
仁宗朝無敢言此事者惟韓琦一人言之 詔卿延

路經畧使趙高分畫地界於二十里相照接連取直
為界卓立封堠其堡鋪千界堠內修建毋得立於兩
不耕地

三月辛丑以旱罷修河悉散遣役夫 癸卯罷浚京

城濠 築蘭州質孤勝如兩堡 庚戌文彥博致仕

三月丁卯出元豐庫封椿錢二十萬賜都水監和雇
修河人夫

四月癸丑詔自今講讀官經筵退留二人奏對迎英
閣 丁巳以旱避殿減膳罷五月朔日文德視朝

詔中書舍人王巖叟樞密承旨韓川左諫議大夫劉
安世看詳後法事有未脩者

五月乙亥自去年冬無雪至是始雨 壬午詔礼官
議方澤祀典先是以知亳州鄧溫伯為翰林承旨中
書舍人王巖叟給事中鄭穆相繼封還詔命御史中
丞梁燾亦上疏論列不聽巖叟以言不用請去侍御
史孫升乞早罷溫伯尋改溫伯侍讀提舉醴泉觀巖
叟又封還之燾及安世朱光庭爭論尤力詔溫伯知
南京已而復申承旨之命安世光庭又累疏申執

壬辰巖叟徙為都承旨庚寅燾權戶部尚書安世為
中書舍人朱庭光給事中燾安世光庭皆力辭不數
月燾光庭竟補郡安世提奉崇福宮

六月乙卯御史中丞蘇轍上疏乞謹守初政久而弥
堅擇用近臣無祿邪正時宰相呂大防與中書侍郎
劉摯欲引用元豐舊人以平舊怨謂之調亭太皇太
后頗惑之轍退復上疏力陳其不可太皇命宰相於
簾前讀其疏仍宣喻蘇轍言極有理宰相從而和之
自此兼用邪正之說始衰 辛酉夏人犯寶孤勝如

堡

七月夏主乾順乞保安軍依綏州例打量二十里於
內十里築堡鋪耕牧於外十里立封堠空作草地詔
荅以既欲于漢界留出草地即於蕃界亦當依數對
留

九月復置集賢院學士

十月癸巳罷修河司 詔導洛水入汴 乙未許夏

國於蕃界內存留五里空為草地漢界亦依此對留
為兩不耕地 丁巳中書侍郎傅堯俞言邊臣犯罪

當歸中書取旨不當專在密院遂與知院韓忠彥更相爭執論奏中丞蘇轍劾奏之堯俞忠彥各引罪求罪

十一月戊辰湖北路奏渠陽蠻因楊晟有請降

十二月丙午復渠陽寨為誠州補溪峒舊族楊光階之子昌達為刺史高麗主熙改名顯是歲復遣使入貢

辛未元祐六年 遼主洪基大安七年

正月癸酉詔自今祠祭毋用羔羊

二月辛卯門下侍郎劉摯拜右僕射兼中書侍郎

四月辛卯罷賞花釣魚燕

乙未復置開寶通禮料

辛亥詔自今臣寮家不許陳乞祖若父碑額是
月夏人犯廊延熙河路殺虜人民毀烽火臺兩路出
兵要其歸路禽其首領二人

五月己未朔日食 己巳阿里骨遣溫溪心入貢

開封府都省吏任永壽獄具論決從徒刑編管千里

庚辰詔以娶宗室女得官者毋得過朝請大夫若
皇城使

六月夏人數萬寇定西城及通渭寨攻斃並邊岷岷
殺守岷人甚衆又寇涇原大掠開遠堡得勝等寨而
去 壬寅詔令俊入三伏令內侍傳宣三衙權免諸
軍班教閱 甲辰國史院置修撰官二員以翰林學
士趙彥若給事中范祖禹為之 丙浙西路大水杭
州死者五十萬蘇州三十萬詔遣吏部郎中岑象求
為本路轉運副使仍賜米百萬斛錢二十萬令象求
賑給之

七月乙丑復置解鹽制置使

八月夏人寇懷安寨監押李遯力戰拒之 癸巳詔以京西路封樁錢二十萬緡充應奉陵寢支費 辛亥詔復修迹英閣記注

閏八月壬 夏人十五萬寇河東路圍麟州及神木等寨

九月丁酉詔自今內庫歲出錢五十萬緡以備邊費

壬子以上清儲祥宮成降德音於天下

十月庚午幸國子監謁文宣王武成王廟 庚辰令諸宮院建小學

十一月甲申高麗遣使黃宗懋來獻黃帝鍼經 乙酉劉摯罷為觀文殿大學士知鄆州 壬辰作元祐觀天厯 壬寅遣戶部郎中穆衍為陝西轉運使往涇原秦鳳熙河路判官張景先往鄜延環慶路按察邊備

十二月壬申遣太府卿劉忱體量麟府路 壬子客星出參

壬申元祐七年 遼主洪基大安八年

正月壬子尚書省言諸路參行差役雇役之法令諸

路轉運提刑司遍下州縣悉心依法推行究詳法意
均當無擾

二月丁卯詔陝西沿邊乘時進築城寨仍毋得輕易
深入 僉書樞密院事王巖叟與呂大防議進築汝
遮等堡 是月環慶路經畧使章楶遣將折可遼入
虜界焚蕩族帳斬獲酋領以歸

三月辛丑詔侍從臺諫禮官集議南北郊祀典

四月己未立皇后孟氏 甲戌立諸路考察縣令課
績法

五月甲申築定遠城 庚子罷侍從官轉對

六月癸丑詔停淮南東西浙路催理積欠一年

辛酉尚書左丞蘇頌拜右僕射兼中書侍郎 立河

東陝西諸路橫鋒牽制法 甲子置廣文館解額

戊寅詔罷修北京護城堤

七月癸巳復置翰林侍講李士以翰林李士范祖禹

為之 甲午環慶將折可達破夏人於尾丁崖

八月庚申詔河防春夫每年以十萬人為額 癸亥

太廟復設牙盤食 乙亥前臨交趾將吏蘇佐等十

七人自拔歸朝

九月戊戌詔冬至南郊宜依故事設皇地示位俟禮畢別議方澤之儀以聞

十月辛酉河復東流賜都水使者吳安持章服是日夏人大舉寇環州本路經畧使章瓘遣將折可達邀擊之大敗而去

十一月癸巳祀天地于圜邱大赦

十二月甲子詔自今罷飲福燕始朝廷用熙河經畧范育議將進築汝遮并納迷結珠龍川城中書侍

即范百祿獨以為不可亦會明年春夏人請和議遂
格

癸酉元祐八年

遼主洪基大安九年

正月丁亥上御述英閣呂大防陳祖宗家法八事 辛
卯夏人款塞謝罪請和 吳安持乞於北流作軟堰
門下侍郎蘇轍以為不可遂罷之

三月壬午右僕射蘇頌罷為觀文殿大學士集禧觀
使 庚子詔將來御試詩賦舉人復試三題經義舉
人且試策後仍全試三題

四月丁未朔夏人來謝罪願以蘭州易塞門寨不許
丁巳詔自今南郊合祭天地永為定式罷禮部集
官詳議

五月辛卯御史董崇逸黃慶基坐論禮部尚書蘇軾
尚書右丞蘇轍並罷言職

七月丙子朔知穎昌府范純仁拜右僕射兼中書侍
郎

九月戊寅太皇太后崩

十月丙申上始親政 庚午召內侍劉提等十人為

入內供奉官尋又以內侍劉惟簡梁從政為內侍省
押班

十一月御史楊畏上疏乞講求法制成繼述之道上
即召見詢以先朝之臣可用者畏疏章惇安燾呂惠
卿鄧溫伯李清臣等姓名以進且乞召相章惇上納
之

十二月降授通議大夫提舉洞霄宮章惇為資政殿
東學士散官呂惠卿除中大夫提舉崇福宮給事中
吳安詩中書舍人姚勔皆繳還詔命不聽

甲戌紹聖元年

遼主洪基大安十年

正月辛丑命中書舍人呂希純疑中侍御史并亮采
使行河 罷河東大銅錢之禁

二月己酉葬宣仁聖烈皇后于永厚陵 戊辰詔禮
官參考褒崇皇太妃典禮 是月都水監始興工築
梁村口

三月壬申朔日食 用呂希純等言詔增治北流堤
岸閉內黃決口鑿開九里堤東河亦疏口地開雞爪
河助東流之水 罷宰執每旬赴經筵 乙亥左僕

射呂大防罷為觀文殿大學士知潁昌府 丁丑詔

今舉御試仍試策 丁酉賜禮部進士畢漸以下及

第初中書侍郎李清臣擬進策問即為邪說以惑群

聽及試士初考官悉取主元祐禮部侍郎楊畏覆考

悉反之於是國論遂變自是士大夫爭陳紹述而元

祐之人皆相繼得罪矣 蘇轍而上疏論御試策題

有復熙豐故事之意上不悅責轍以漢武帝上比先

帝引喻失當轍恐趨下殿待罪上聲色甚厲范純仁

獨進曰史稱武帝雄才大畧為漢七制之主轍以比

先帝非謗也陛下進退大臣當以禮不宜如此急暴
於是輟出知汝州

四月乙巳令戶部詳定後法之未就緒者 詔以都
水使者王宗望言修開張色河門 壬子知定州蘇
軾落職知英州自是元祐諸人相繼黜責軾為之首
癸丑用翰林學士曾布言改元 甲寅詔王安石
配享神宗廟庭 壬戌提奉洞霄宮章惇拜左僕射
兼門下侍郎右僕射范純仁罷為觀文殿大學士知
穎昌府 丙寅罷五路諸科 丁卯詔諸路復行元

豐免役法 戊辰中書舍人蔡卞請重修神宗實錄
閏四月壬申復提舉常平官 癸酉罷十科 詔引
見改官人依元豐令每歲毋得過一百四十人 丙
戌復置義倉 戊子詔在京諸司所受傳宣中批並
候朝廷覆奏以行

五月壬寅罷修官制局 甲辰罷進士習賦令專治
經術各專大經一中經一韻專二大經者聽 立宏
詞科 己酉翰林院學士曾布乞下王安石本家取
索安石手書日錄付史院參照重修神宗實錄 癸

丑詔三省選吏胥編類元祐臣寮章疏及朝廷更革事條

六月甲戌以御史中丞黃履等言詔知永興軍呂大防知青州劉摯並落職大防知隨州摯黃州蘇轍降官知袁州蘇軾散官安置惠州 甲申除進士引用

王安石字說之禁 乙酉以黃履等言詔知鄆州梁燾知成德軍劉安世直集賢院吳安詩並落職燾知鄆州安世知南安軍安詩監光州酒稅 又詔知虢州韓川知應天府孫升並落職川知坊州升知房州

丙戌右正議大夫蔡確追復觀文殿學士贈特進
丙戌詔前史官范祖禹趙彥若黃庭堅並宮觀住
府界報應史院文字

七月丁巳以黃履及御史周秩諫官張商英言追奪
司馬光呂公著贈謚及所賜神道碑額徹樓毀碑又
追奪王巖叟贈官貶呂大防劉摯蘇轍為散官分司
南京梁燾提舉舒州靈仙觀劉安世主管玉隆觀並
分貶諸州初章惇欲用蔡卞議光及公著當發塚斷
棺上不聽 詔內侍陳衍編管白州 戊午詔曰朕

繼體之初宣仁聖烈皇后權同聽政以簾帷之間聞
見不周故倚任耆艾冀昭聖功而一時大臣朋黨合
計悉取先皇帝之法紛更之朕為人子不得但已也
其司馬光以下各以輕重議罰布告天下其餘一切
不問 罷太廟牙盤食 丙寅詔開封府界置擊生
監 都水使者吳安持乞開新河導洛水南行
八月壬午詔安持提舉開修新河 壬辰復水磨茶
丁酉詔戶部鞠陽翟大姓蓋漸訴御史來之邵絕
祀奪產獄

九月己酉詔三省樞密院檢例用熙豐元祐參較

庚戌罷制科 罷廣惠倉 甲寅議弃渠陽官吏罪
集賢殿修撰唐義問等並黜為散官

十月詔皇太妃生龍鳳輿兼用紅黃綠出入由宣德
正門宮中並稱臣妾 辛巳都水使者王宗望言河
悉已東還故道北流斷絕 導洛新河成

十一月己亥朔復八路差官法 壬子蔡確追復觀
文殿大學士 癸丑命工部侍郎吳安持都水使者
王宗望相視自關村直至海口增修新舊堤防 甲

寅開封男子呂安坐醉狂指斥乘輿當斬特貸之
提奉成都等路茶馬陸師閔乞許漢蕃客給券賣馬
十二月辛未增立銅錢出中國界法 甲午治修神
宗寶錄史官詆誣罪范祖禹趙彥若黃庭堅並散官
安置祖禹永州彥若澧州庭堅黔州

乙亥紹聖二年 遼主洪基薨昌元年

二月辛巳出內庫錢帛二十萬助河北賑濟 甲午
罷廣文館解額

三月己未詔職事官並罷帶職 庚申詔以日歷還

祕書省命著作佐郎王任在省編修。辛酉詔文散
官除光祿正議中散朝議大夫分左右外餘並罷。
乙卯皇太妃宮以聖瑞為名。

四月戊辰易集賢院學士為集賢殿脩撰直集賢院
為直祕閣集賢校理為祕閣校理。壬申封華原郡
王宗愈為嗣濮王。丁亥置律學博士。壬辰復置
河北糧使司。

五月己酉詔蓋漸獄移送御史臺推治尋又移於大
理寺。

七月丙辰大理寺復置右治獄

八月庚午詔熙河等路嚴分畫地界止所遣議疆界官 乙亥詔熙河經畧使范純粹乘機築汝遮寨

丙子詔大理寺丞分左右推如左推翻異即送右推毋與開封互勘并不許地分探報 庚辰左司郎中

張商英以交關蓋漸獄事責監棗州酒稅 甲申詔

呂大防等永不得叙復 乙酉復置三省六房院

九月觀文殿大學士知顏昌范純仁坐五上奏乞令呂大防等任便居住上批純仁立異邀名落職知隨

州 辛亥大饗明堂大赦 壬戌監察御史常安民
坐論戶部尚書蔡京交結中官大臣假紹述之名以
報私怨送吏部與監當差遣

十二月乙丑復置監察御史三人分領六察不許言
事又詔奏舉臺諫官毋限資序 乙酉詔三省給舍
都司官編類元祐臣寮章疏申請大字戊子詔密院
亦如之